

劉槎翁先生詩選卷之七

七言律

承王召南送春衣

十年風雨困蓬蒿，感慨將軍意氣豪。
久向雲中占寶劍，忽從江上送綈袍。
馬隨使節穿紅樹，鶯聽吹笙下碧桃。
武姥金華泉石好，來遊還許望旌旄。

遊武山

武山千丈石為城，縹緲西來紫翠橫。
上砦雲連中砦起，南岩鍾應北岩鳴。
林含雨氣龍歸洞，風度松聲鶴載笙。
仙客不歸塵世換，為君倚劔望蓬瀛。

砦

助適切

此去多

壘也

贈徐山人

亂餘山水半凋殘
江上逢君春正闌
針自指南天杳杳
星猶拱北夜漫漫
漢陵帝子黃金盃
晉代神仙白玉棺
回首風塵千里別
故園烟雨五峰寒

寄贈印山黃巡檢進賢

茫々江海暗烟濤
公子臨邊事武韜
野砦入雲山似印
懸岩飛雨石如刀
馬頭獵罷秋風起
劍底詩成夜月高
寂寞林居最相憶
塵埃涼滿舊綈袍

梅間為張漢英賦

雨屋烟村雪後山
聞君清隱在梅間
移床待月應頻

坐曳杖尋春却自還
偃幹不知岩石古
生香長愛水雲閑
青苔一徑通幽處
何日從君扣竹關

分題得金魚洲送別

金魚洲近太平坊
江水中分石磧長
鷗鷺汀沙時駐馬
蛟龍窟宅夜浮光
秋風浙々蒹葭老
春雨青青杜若香
惆悵歸帆從此別
獨登高閣望蒼茫

夜宿永古寺與孤峰上人談詩

蓮花池上月如霜
金地無塵夕景涼
海藏暗浮龍影動
露盤微注鶴聲長
雲棲梵鉢番僧供
風隱鉢衣護佛香
一夜不眠聽說法
雨花撩亂滿禪床

題山水畫

江上青山七外峰水邊亭榭記行蹤天垂瀑布青雲
斷日射滄波紫霧重松掩鶴巢翻薜荔柳歌漁艇金
芙蓉抱琴已歎歸來晚何事幽人獨不逢

蕭居仁以山中抱琴畝寄曠維南索賦因題其
上

石潭漁者舊相知示我新畝有遠思春日青山宜對
酒晚涼幽榭好題詩橫江日落樵舟放雙闕天清瀑
布垂獨上層峰望南野抱琴何處覓深期

聞客夜談豫章諸友感念存歿為之悵然余同

年貢士譚埴客授南昌紫陂劉氏劉同氣以兵
相仇埴與其禍是尤可哀也因賦詩以寓意

豫章一別四年過嘆息風塵竟若何南省只今開虎
衛西江何處覓漁簑林花春動雲霄近湖柳秋來霜
露多腸斷譚郎寃血冷紫陂空送夕陽波

夜宿西樓東蕭居仁

西樓抱被對愁眠敗壁虛明露滿天野燒忽從山頂
見寺鐘偏向水西傳荆榛瓦礫孤城裏江海交遊十
載前謾說烟波無便楫夜來歸夢到林泉

過淘金站

鐘林翁先生詩選 卷之七
亂餘無地寄登臨，斷隴荒郊噪野禽。山勢只今餘滅
飢，驛名依舊記淘金。仙遊尚想浮篙度，野戰空悲折
戟沉。已分扁舟夜漂泊，月明偏照泪沾襟。

過永和同子永劉憲史遊青都觀謁蘓黃二先
生祠

金華仙人玉局翁，青都臺觀五雲東。十年喪亂殘碑
在前代，風流二老同。海藏出雲龍，起蟄松壇過雨鶴。
盤空傷心落日滄江上，萬疊青峰照蕊宮。

曠維寧於舟中架屋名臨清軒

曠子雅懷江海情，船頭葺屋愛臨清。波間明月有時

墮水底，白雲終日行幽鳥。踏沙看洗盞，老龍抱石聽
吹笙。傷心華屋成塵土，便擬從君覓翠瀛。

送芳上人遊興國清涼寺併柬竹間禪伯

又飛雲錫度林關，好去清涼第一山。寶氣定隨樓閣
現，禪心長共水雲閑。幡幢說法千華裏，瓶鉢看經萬
竹間。從此岩棲相見少，肯將詩句落塵寰。

雪後宿武溪溫氏明日賦詩東存與

流水鳴沙雪漲溪，故人家住竹園西。亂餘最愛詩能
賦，寒破偏驚酒滿携。石壁松杉當夜落，野田薺麥望
春齊。何時濯足桃花渚，醉踏船舷聽鳥啼。

龔胡思齊寄山花數枝

故人采藥武陵岡，折得山花遠寄將。
晴露微沾野珮洞，霞丹七落書床護風愛。
近銀屏暖分潤，驚浮玉井香。看過青春應尚在，能來莫負酒盈觴。

胡思齊遊武山寄松花一枝右詩一首賦此奉酌

西華絕頂遠人群，還有松花結紫氛。
昨日寄來猶帶雨，清晨把翫欲生雲。
品題秀句驚初見，服食仙方恐未聞。
即遣穿岩收絳雪，茯苓同煮定期君。

和龔余弟子彥自雩都寄示詩併喜姪舉亂後

歸自殊鄉

春暮書回百感生，殘年送別最關情。
雲飛遠道千峰暗，花落深林獨樹明。
首霜久荒良驥病，稻梁未足旅鴻驚。
遙憐稚子生還日，不得相從咏北征。

寄蕭文學

故人意氣眼中稀，長憶相尋扣竹扉。
林下掃花留客坐，溪邊折柳貫魚歸。
詩題錦軸聯珠潤，酒注山瓢汎玉肥。
十里春清塘上路，醉歌猶擬踏斜暉。

奉寄周思忠其先丞相益國公於余六世從祖
常德府君為同年進士凡誌盟哀挽及唱和詩

文粹見於周氏所藏遺書當時嘗錄以歸遭亂
逸去因再請於思忠氏必有以相慰奮也忠有
弟思廉極相友愛余往來城中嘗寓其書舍云
皎々周郎玉雪妍由来相裔故多賢家藏文字三千
卷市隱才名四十年當戶蓬蒿深過雨滿庭荆樹艷
晴烟向來對酒題詩處尚想虛庭一榻懸

題熊克庸齊居山水圖

省郎齊閣看圖畫最愛中峰萬丈青漠々烟雲開意
氣亭々岩石靜儀刑竹間石徑穿蘿薜松下晴絲引
茯苓安得結茅當勝處長年來此勘遺經

聞鶯

南溪喬木三千尺葉底黃鸝四五聲公子多情休挾
彈佳人注意謾調笙乍辭谷口低寒雨更駐花梢弄
晚晴何日簫韶雜鳴鳳龍池柳色滿瑤京

武山下夜宿同蕭子所分韻得雲字

四月十日晚逢君落花滿地翠紛々水流丹壑向千
里月上青天無片雲典衣沽酒惜春盡刻燭題詩愁
夜分終然聚散安可極淮海冥々孤鶴群

題螺川秋望圖寄周思忠

水東之山千萬重西岬亦有雲騰峰望中不盡傷秋

興塵外永懷高世踪古寺垣墻深薜荔平原臺榭隱
芙蓉何處還尋讀書舍時聞琴奏出雲松

汪陂館中贈蕭子儀

北岩虛館少經過之子能來逸興多滿袖新詩看不
厭當筵短劔醉還歌落花深巷愁春雨細柳迴塘汎
夕波好在讀書甘竹下題詩頻遣慰蹉跎

六月自汪陂聞警登武山宿雲峰寺余弟埜有
詩依韻述懷

西上雲峰一振衣烟林風磴轉稀微岩前虎出日欲
落洞口龍眠雲乍歸秋意又推南國鴈客懷長戀北

山薇淒涼不寐愁烽火洒_匕飛泉近竹扉

遊觀山寺觀山谷太史留題詩刻

白石塘西涉礪碕赤欄橋外轉逶迤洞門流水千年
在古殿陰風六月吹葉暗鳥巢秋哺早泉深蛙坎夜
鳴遲金銀夜氣誰能識光采空遺太史詩如泉寢其

題蕭氏竹所

故人已上青雲路舊隱猶懷翠竹林碧篠團沙秋冪
冪蒼根抱石午陰_匕論兵幕近間看劔留客筵深靜
聽琴擬乞長竿釣鰲去高槎雲海思沉_匕

宿下澤顏氏山齋奉柬克大昆仲

顏家兄弟好幽棲
洲掩岡迴路欲迷
萬疊青山雲上
下一溪流水屋東
西夜筵樽俎銀花
落秋雨階庭玉
樹齊惆悵相逢即
相別遺書晏歲擬
同携

過鳳岡題趙憲史仲思隱居茅堂

鳳岡東上見茅廬
知是青原隱者居
溪水當門宜把
釣石岩傍架好藏
書湖山每恨論心
晚城市長疑見
面踈雅志澄清端
有待風塵滿地欲
何如

賦相石

宋文丞相勤王兵敗走興國元兵追至空坑忽有巨石自墜塞道追者不能越而退後人為築亭石上命曰相石云

追騎東來咫尺間
六丁撫斥下孱頑
義旗有道從容

去雄劍無光悵望還
拔地雲凝千古恠
當關壁立萬夫閑
誰為滅宋鑄岩石
羞殺當年海上山

觀富田新城

山根流水截飛梁
城面青山壓女墻
梁棟又開丞相
宅旌旂還擁狀元坊
竹垣繫馬遺祠廢
茅屋團兵舊圃荒
俯仰百年成永慨
角聲如雨怨斜陽

過崇先寺拜信國公像

丞相祠堂野燒空
猶存遺像寄禪宮
弟兄豈計安危
異孫子終懷祭祀
同黃葉斷垣烏繞
樹綠蕪深院馬嘶
風可憐華表歸來
恨城市累已落日
中

同鄒孟信過三教寺納涼

短垣無地避炎蒸，閑過溪南訪野僧。
十二板橋流水上，幾行秋樹白雲層。
飯牛掩袂嗟何及，汗馬褰旂愧未能。
聞說五原金氣盛，飛揚誰遣縱鞞鷹。

遊三教寺有懷鄒縣尹

田繞山門石徑荒，柏林斜日照迴廊。
吳鐘已去遺空簾，唐殿猶支見壞梁。
三洞白雲秋杳杳，九州流水暮蒼蒼。
同遊最憶興山尹，寂寞橋西舊草堂。

拜掃姥原雙企塚，次朱孔立韻併東鄒縣尹。
啣悲東上姥原岑，舊路重來恍莫尋。
石磴莓苔秋雨

滑墓門荆棘野雲深，龍蛇起伏山如畫。
狐兔侵凌汨滿襟，多謝故人携酒送。
真餘猶得慰愁斟。

中秋夜翫月龍塘黃氏館中聽王伯允歌詩值

峽江上警報甚急

駕鶴峰頭月上時，瘞龍塘下客行遲。
十年殺氣何由息，萬里流光有所思。
北去鴈鴻天似水，南飛鳥鵲夜無枝。
酒酣頽影那能寐，坐聽王郎說劔詩。

與子彥弟夜宿具翁堂時北岼寇警方急起眎
月色感而賦詩呈子中大兄

烽火橫江照早秋，虛堂連枕夜悠悠。
風聲忽向松間

起月色偏於竹上浮
早歲杯捲成永感
中年戎馬動離憂
白頭會見昇平日
共守遺書老故丘

田舍夜坐呈子中兄子彥弟

洪家塘下青楓樹
草屋相依謾一區
物色已隨時事異
月明偏照旅懷孤
殊鄉有客謔黃鳥
空谷何人嘆白駒
故里凋零歸未得
祇應隨地老樵蘓

謝鄒縣尹送米

故人憐客困
長途遠致香粳溢
野厨稚子歡呼携
匕筋家人笑喜問
盤杆交情可重連
城壁光價還輕照
乘珠落筆已慙顏
帖後為君鼓腹愧
侏儒

與舍弟采山果南富嶺西遇雨暮歸

遠尋野果山中去
日暮還家雨拂衣
甘苦同時瓊液滿
青黃照袖玉珠肥
商岩雲斷靈芝老
同谷天寒橡栗稀
眼底愁憐小兒女
能飽早已候柴扉

能音耐

携妻子入石龍山

十年奔走困風埃
此日飄蓬未擬回
謾說管寧浮海去
真成龐德入山來
窺猿驚挽崖藤落
尋鹿疑逢石壁開
從此畏人問名姓
短衣草具儘徘徊

投迹

投迹深山感世危
山中生事儘相宜
泉分蒲礪長流

水薪拾松林自落枝野客談玄猿共聽鄰僧送酒鹿
同隨祗怜稚子勞喧聒晏歲還家未有期

奉柬劉方東

妻子飄零去故鄉喜逢故友向山莊敢同王粲依劉
表自擬馮驩托孟嘗石菊作花秋又老嶺猿啼月夜
偏長向來翠竹江村路載酒終期間草堂

幽事

城郭風塵故可傷村居幽事未能忘閑拈桐葉供題
字時採茅植當棗糧避雨偶尋松作蓋卧雲聊借石
為床向來長物成多累始覺蕭然勝故鄉

九日奉柬劉方東

高秋寂寞逢佳節畫室飄零愧苦顏那有茱萸分客
舍偶隨貝葉落禪關故園細雨黃花外絕塞愁雲落
木間多謝高情相慰藉若為携酒上青山

曉起

墟落蒼涼曙色催鷄鳴已斷鳥聲回千峰宿雨隨雲
散萬壑奔泉隱地來客路葉飛隨處有故園菊在為
誰開愁來心緒渾無賴自掩柴扉坐綠苔

出梁村路經老虎口因憶馮嶺入瀘源龍上有
龍腰龍尾之險異時欲往而未能乃兵乱未已

將遂初願願視虎口良用惕然

馮嶺當年願卜鄰里良此日暫依仁山名虎口偏愁
客路入龍腰好避人失時鯤鵬終自奮忘機魚鳥謾
相親乾坤納匕風塵際獨立蒼茫一愴神

過沙村聞思菴因記往年孫理問奉叅政全公
檄命駐兵山中招徠東南之負固者時余客軍
中留劉君方東所常從孫侯遊菴中溪山不殊
風塵方張懷念今昔因賦詩柬劉併識余思
故人孫宰憶同遊躍馬分麾駐上頭塞外旌旂非舊
日山中鐘磬自清秋雲松暝合侵崖徑霜葉寒飛撲

澗流滿眼風塵愁更住為君惆悵獨登樓

悲風

悲風野燒斷平原竟日南天毒霧繁十口羈窮徒自
苦百年生事欲誰論荒村日落虎爭道敗屋天寒烏
啄門不待他時慨陳迹眼前興廢已消魂

幸茅廬之無恙喜賦一首

仲冬二日由下徑輿疾還珠林悼風景之頓殊
村橋路斷日無光不似常時入故鄉野鼠穴粮依蔓
草田烏嚼紙上枯桑偶逢遺老見孫盡欲問西鄰井
竈荒慚愧竹西池上路依然風雨一茅堂

校理家具

歌簷墜瓦骨垂蘿隳突還驚暴客過竈下酒壚傾已
久溝中書帙污偏多果園樹偃生新草萍沼魚飛失
舊波自是貧居向蕭瑟亂餘多病柰愁何

二瑞詩

歲壬寅夏旱匡山之陽有泉溢焉曰聖官潭
流行五六十里鄉人因為陂堰以灌溉歲則
大熟既而石臺蕭氏家產異草或以為芝匡
山康宗武氏為文以美蕭氏因引潭水靈泉
合芝草為東鄉二瑞云

東山二瑞捻稀竒最愛蕭家五色芝翠羽凌風偏疊
葉紫苞團雪欲分枝題詩頻憶登臨地對酒還傷喪
亂時更擬濯纓潭上水從若採藥事遊嬉

東園雨坐書懷

鳥自鳴春花自開離人去住捻興哀荒村道路兼泥
潦故里田廬半草萊萬姓瘡痍誰復問群雉瓜角自
相摧東南竟日愁昏黑消息虛傳首屢回

方丘生自號蒲衣道者由安成武功山避亂贛
之興國邑令陳文彬為築長春道院以居之

曾騎黃鶴下青山又憇長春候紫關歛水月明花宵

宵武功雲散草班七偶携竹杖尋仙去閒着蒲衣採
藥還翠壁丹書如可訪石門鐵鑰定高攀

六月九日宴陳文彬席上賦

華堂六月清無暑况是水壺照眼寒花氣濃薰金錯
落松陰靜覆玉闌干仙人意氣迴笙鶴才子詞華引
鳳鸞共說錦江花似錦題詩還許醉時看

贈別袁性淵併寄舍弟子彥

故人昔別還相見異縣新秋復遠違百里放船將出
峽十年對酒共沾衣雲生絕磴魚龍出月落荒江鶴
鶴飛有弟飄零定相否况為言憔悴幾時歸

夜宿三台東楊煉師

三台山祀淨明君香火新從葛井分案上道書秋後
馮空中仙樂夜深聞星垂天近連青野雨過山空起
白雲更有雷壇人不到十年珠樹鶴成群

會飲東鍾仲安

亭高碧樹起秋風上日開筵勝集同燕子歸時先野
客鶴群飛處有仙翁流霞注酒驚初醉急雨催詩愧
未工珍重一時文物盛他年如見畫圖中

留別方丘生

道人手把玉芙蓉身着蒲衣瘦似松錦水市中行賣

藥金雞嶺下坐聞鐘養來乳犬能馴虎放得神魚解
化龍塵土滿懷還惜別何年笙鶴定相從

秋日承薛克恭馬君佑艤舟相問留尊酒而別
江上柴門閉夕楓沙頭官舸繫秋風過從敢恨論交
晚漂泊翻憐避地窮斷鴈烟波千里綠落霞烽燧五
更紅遠携春酒還相別獨酌空懷二妙同

入城

江水依然抱石磯獨行空感舊遊非晚山當戶日初
落秋草滿城人未歸田鼠引群穿井出山雞求食傍
簷飛向來車馬東門路忽憶朋遊泪滿衣

遣送茶器與歐陽仲元

金尊翠杓非吾事瓦缶甕罌也可怜急送直愁衝暮
雨遠携應得注寒泉枯匏久厭山瓢薄凍芋空朝石
鼎負撲室栗香春酒醒能忘敲火事烹煎

和彭伯圻由武溪寄示

惆悵溪南寄短吟春光還共客愁深孤舟人去江浮
雨二月鶯啼花滿林載酒已怜行處遠駕車猶擬夢
中尋越王臺下東流水不盡當時送別心

會飲鍾惟賢書舍因憶其亡弟惟一

昔年知己半凋零喜見鍾郎眼尚青風雨時能問行

李烟塵只憶嘆流萍
清秋題句揮雲錦
上日開筵倒玉瓶
忽憶季方悲斷鴈
夕陽惆悵倚江亭

春日江上對酒柬僧惟善湯子敏

溪上桃源自可尋
落花流水晝沉沉
雲連木柵藤蘿暗
日轉拖樓楊柳深
幾處鴈群歸塞北
誰家燕子掠波心
十年漂泊還相聚
莫恨酣歌酒滿斟

送僧惟善歸省豫章

龍門徑裏雨如烟
雲木蒼苔斗杜鵑
江上客懷悲往日
山中草色記流年
飛花雪片沾離席
垂柳春陰拂畫船
忽憶鍾凌烽火後
湖東水長浸瓜田

送湯子敬之寧都併柬王太守姜煉師

此日聞君事遠行
還從瑤嶺上金精
百千萬疊晚山出
三十六灣春水生
龍去石潭黃竹暗
鳥啼仙洞橘花晴
定陪五馬題詩去
憑報山人載酒行

寄孫伯虞

江上年年芳草生
懷人無限別離情
林花落雪風驚樹
野鳥啼春烟滿城
郡國久傳徵北海
衡門虛擬賦西京
綠荷亭館東湖曲
長憶携尊看晚晴

和蕭德興寄示二首

祈招誰遣詠情
長夜思君月滿林
寶劍必騰龍虎

氣瑤琴終奏鳳
音間居興與青山
遠故里春隨白
髮深江上重遊
嗟濩落感時直
欲淚沾衿

三月題詩寄客
居感君高致重
璫璵江雲冉七
侵花暝山雨瀟
灑映竹踈對酒
空悲南國鴈傳
書長羨北溟魚
陽春一曲應難
和欲報瓊華媿
不如

閬川

一洞深連三十
里兩崖高擁百
千峰溪流交路
頻穿草日色窺
林半隱松野碓
春泉秋雨急土
甯煉石晚烟濃
雲深不記平畬
路月落時聞資
福鐘

九日卧病戲柬王伯衢

重陽獨卧高齋
雨此日兼懷故
里秋滿眼菊花
愁共把多情藥
物慰相求江湖
又報兵戈合田
野何由瘴癘收
聞說西樓賓客
盛昨朝携酒上
牛頭

讀薩天錫詩

三策當年動赤
墀一官南郡奏
朱絲參軍情性
丹陽酒御史聲
華白下詩騏驎
雪迷沙苑道鳳
凰春隔上林枝
江淮蕭瑟風流
遠獨坐秋山有
所思

病起述懷

彈冠振席颺輕
塵曉日山頭發
興新藥裹于人
真不負酒盃從
此便須親山田
露冷花如雪石
洞雲香草

自春十日不行林下路偶看黃菊過比鄰

水口田家

水口山腰三四家
楓林茅屋帶蒼葭
野人敲火夜然
竹溪女踏雲朝浣沙
水落寒潭魚可捕
草肥秋壠兔堪置
有時刀犁還登砦
雞犬蕭蕭隔暮霞

和荅湯子敏山中寄示

青杉錦樹連東村
恠禽野狐嗥北原
客居岑寂且自遣
人生艱難安可論
偶尋柿葉寫詩句
更折梅花開酒尊
坐想好懷渾不寐
蕭蕭霜月上柴門

有詠胡麻花者同賦一首

挺_匕芳莖節_匕花輕盈有態瑩無瑕
金繩雪鑄千鈴小
寶樹霜懸萬蓋斜
雲影籠葱樓翠隴
雨香歷亂撲晴沙
苦心獨抱秋房冷
會壓瓊脂滴絳霞

寄謝可用

五年不見謝玄暉
長憶澄江送客歸
風雨驚心佳節換
江山回首舊遊非
荒城日落群鳥集
極浦天寒一鴈飛
仙女峰前金橘熟
題封何日到林扉

寄孫子林白描芙蓉

孫郎作縣有高情
閒把芙蓉學寫生
玉柱靜含秋露白
銀屏低立曉風清
洞庭水落愁新浦
錦里霜飛憶

故城亦擬放船螺子港幾時呼酒看秋晴

題趙子深山水畫軸

我觀畫畵之青山百疊巉岩那可攀長松更出危石
上飛瀑政在雙崖間草堂流水鈎簾迥野艇橫江收
釣閒安得手招王子晉共乘笙鶴望遙關

承曠維寧寄詩併惠茶紵依韻奉答

方嘆殘冬滯遠遊忽承清貺滿床頭石泉煮處疑山
雨野服成時稱海鷗梅掩雪消雲擁棹華峰天淨月
窺樓明年西上花如錦載酒端期破旅愁

蕭後峰有詩約諸君暫歸流江賞花因更賦奉

酬併呈同遊諸作者

江上春晴花正開酒船况自水西來便令鴨綠分金
甕莫遣猩紅上翠苔三月燕鶯應久待幾時車馬徑
須回多情遠謝蕭文學衝雨題詩特地催

春日述懷二首答蕭翀

亂餘無地托幽棲滿目風塵失故溪身拙自怜蚕縮
蠶家空偏感燕巢泥草生北渚愁矰鴈花落東郊憶
鬪雞抱膝獨成梁甫歎故人何許重相携

落日荒村斷往還閒居空復嘆問關溪鳥對浴柳當
戶野鳥亂啼花滿山夜雨懷人魂夢遠春風欺客鬢

毛班相知賴有王司直呼酒時七慰旅顏

雨坐東湯子敏

閉門三日雨如麻想見高情遠俗譁止酒能忘盃泛
蟻抄書應喜字翻鴉江通野水迴春漲雪壓雲山隱
暮霞明日好携青玉杖衝泥來賞石榴花

再和題固里田舍

嶺腰種麥嶺頭麻土屋門深晝不譁鄰舍編籬防暴
虎兒童分食餒慈鴉好山夾岸團青玉流水穿畦注
白霞細雨荷鋤歸向晚滿庭落盡米囊花

送別蕭尚貞

已隔浮雲望武岡又沿流水入嚴庄間居自愛青山
好獨往空悲白髮長溪上綠蒲新酒熟城西芳草故
畦荒十年漂泊嗟塵土珍重遺珠照乘光

喜家僮至

西行幾日離柴扉還說來時燕子飛日射水田禾葉
暗雨浮山隴豆花肥池魚吹水春萍薄野鳥窺巢夏
菓稀早晚歸來酒應熟便携稚子笑牽衣

寄同年劉雲章

故人迢遞別經年亂後相思獨惘然馮嶺烟青愁寓
舍密湖水暖喜歸船山林心性終閒得館閣文章莫

浪傳直上龍門看明月銀河夜七接遙天

聞舍弟東歸消息喜聚居有期

行李何時出虎城江東戍卒正南行故鄉已作三年
別遠道猶淹十日程照水髮稀驚老大凌雲筆健喜
縱橫堂前先已栽慈竹好向東頭着數莖

和歐陽仲元流江留別

歐陽于我同年友客裏相逢奈別何濁水黃塵俱汨
沒丹砂朱紱兩蹉跎錦塘風起花如舞仙洞雲飛鳥
解歌我自思歸君更往愁心如月照長河

八月十五夜承夏仲寅寧舟邀飲江上有作和

韻

斷岸荒榛一片秋駐帆感子意綢繆幾家明月窺瑤
席此夜清風動綵舟桂影拂雲通海色角聲如雨說
邊愁多情共對金陵酒腸斷他年獨倚樓

奉和彭伯圻過流江相尋不遇之作

十年江海舊相知何事重逢竟後期亂定恣知為客
慣別來惟恨寄書遲帆開極浦雲飛處酒醒空山月
上時聞有早梅花底約夢回長是詠君詩

和蕭子所舟次流江相尋不遇題壁洲字韻

流江渡口春水發聞子繫船林下幽題詩忽滿西舍

壁把酒獨對南村洲
可憐晏歲不相見
何事青年柰薄遊
却憶甘溪烟雨裏
打魚留客最風流

花朝和王伯衢寄示

到處看花不待招
常年客裏記今朝
高林秀野含丹露
暖日晴雲動碧寥
樂事已嗟隨逝水
兵塵猶恐逐驚飈
祇今誰醉蕪湖酒
腸斷東風十五橋

春暮承劉子禮枉顧喜聆近作賦此奉酬

故人遠自山中至
三月風花正渺然
高館聽鶯吟白日
畫船載酒憶當年
泥塗早識璫璣器
江海能傳錦繡篇
已覺愁懷劇傾寫
裹茶猶擬試春泉

客情

清明已過寒雨稀
客情物色共依微
庭前幽草忽如積
江上落花渾欲飛
風雲慘淡隨長戟
塵土蕭條上短衣
雲亭江上麥田熟
昨夜月明還夢歸

嘗豌豆

丹葩碧蔓錦模糊
食實驚看節物殊
已喜堆盤承翠羽
何勞剖蚌得明珠
故人凝望怜青眼
稚子貪饕愛碧腴
安得麥前收百斛
便從舍後闢荒蕪

初舍弟子彥將赴顛後聞留荷山館中喜而賦詩奉寄併呈大兄子中

舍南種竹近新鋤，塹北抽茨亦舊除。此日雲邊猶獨
往，何年江上却同居。衡門擬著潛夫論，石室難藏太
史書。亂定能忘酬唱樂，歸來直釣錦溪魚。

題曾鳳山居奉母圖

久聞奉母山中住，驚見新圖帶竹扉。窈窕碧溪愁獨
往，艱危白髮喜相依。草香夕雨茅容飯，花繡春雲菜
子衣。滿眼風塵行役感，百年終養似君稀。

題楊懋臨所畫平遠圖有左煉師題詩其上因
賦此以繼之

花島茅亭帶寂寥，松門石徑轉岩堯。何年流水出山

口，長日白雲橫樹腰。楊子池前曾洗墨，左師樓上憶
吹簫。偶從鄰屋看題畫，獨對青天悵望遙。

送白石上人遊江東

東望龍山一片雲，飄然徑度大江濱。金山樓閣中流
見，天界鐘竿白日聞。鴈下湖田秋欲暮，鳥飛淮浦路
遙分。浮盃更過維揚去，何處松岩譯貝文。

秋日承廬陵曲山蕭壽春過林居謁文臨別賦

贈一首

秋露滿園桑葉飛，遠煩江上問柴扉。青山古道獨行
晚，白髮故人相見稀。細雨高原禾黍熟，斜陽疎樹橘

登樓第... 卷之七
十一
橙肥殘年甚欲留君住何事驪駒只賦歸

題羅岩雲樹圖贈丘弘道歸雩都

浮丘五月尋山去又見飛霜落翠嵐即買舟航問雩
水却看雲樹憶羅岩花迷谷口仙橋合石掛林腰佛
閣叅歷上舊遊圖畫裏思君長是望江南

富田文彥高先丞相信國公諸孫先是丞相故
第及祭田類為孫冠所奪事平彥高畫復之為
新祠祀丞相于故第蓋盛舉也余過富川拜丞
相祠因與彥高相見道舊于別也寫墨竹為贈
復題詩以美之

丞相祠前竹滿墀亭上風節在孫枝詎知雪壓霜披
後如見龍遊鳳翥時萬壑秋聲傳瑟瑟兩溪晴綠浸
離上新圖寫贈還相別晏歲流風重尔思

泛舟赴上麓道中賦

獨循西嶺沂沿洄遙見層雲擁阜堆石激驚波漂沫
下山盤斷岸汰沙回楊枝齊拂船舷度水鳥斜翻掉
影開便喜穿雲尋上麓不愁衝雨下魚臺

訪王子讓大村幽居借書戲題壁間

村前流水宛如環村後荒城隱可攀當戶雨苔雙石
峻隔江烟柳數峰間杖藜麥隴秋霜後尊酒茅堂夕

照間聞有古書人少見柴門客去又長關

過西嶺臨眺和蕭漢高韻

南村西崦路何窮草屋柴扉處
同山雉獨鳴千嶂雨野鳥爭飈
一池風長懷石洞吹簫侶不見
華峰採藥童何許碧溪流不盡
桃花源裏若為通

江上即事東雲衢王徵士

殘霞夾樹紅于火寒水無波黑似冰
溪獺銜魚穿斷港野禽啼雨上
枯藤舟前風瀨餘千里屋上雲山出
幾層歲晏獨悲成
濩落樓高還許共栖凭

題楊補之六七十歲時所畫淵明像併寫歸去

來辭于後

長吟放筆寫梅真何幸披圖識故人
晚歲親臨歐褚法清風却掃宋齊塵
杖藜獨去斜川晚野服微吟五柳春
尚友交情千載上為公再拜一沾巾

寄湯子敏伯仲

文采風流憶二湯春鴻秋燕兩相望
聞趨禾水趨螺浦還在南塘在夏洋
長倚華峰瞻過棹時尋松石認書房
田園官府俱勞勩白髮新來定幾長

寄題會昌陳氏近村小隱

穎川太丘賢子孫卜宅湘川還近村
斜日數尖山入

座清風幾箇竹當門載酒每聞佳客至卷書時共野
人言若為攬袂去城郭遠訪桃花流水源

早春登古城和羅惠卿

穎江清抱古城東春日登臨思不窮兵後人家寒草
外燒餘僧寺夕陽中粵臺曾駐東朝跡陳壘猶傳北
伐功長憶來遊鐘磬靜獨憑高閣聽松風

春夕有懷

竹爐淪茗火初殘苔榭收書露未乾頻剪燭花知夜
久偶拈酒筆覺春寒社前有客鋤瓜地亂後誰家理
藥欄不為閒情愁不寐愛看明月過林端

偶然

已分林居種薄田又從江館勘遺編一春聽雨恰今
夕獨坐看雲憶去年紫燕來時化滿樹鶉鳩啼處水
生烟極知出處關吾道可得相逢是偶然

去年

去年桃李雨前開日匕西園去復來樹下有時携稚
子草間無地着尊壘只今自咲同浮梗此際誰怜長
綠苔過却清明更愁寂櫻桃落盡未應回

詠春草

春來何地不芊綿浥翠含香故可怜渭水城邊寒帶

雨咸陽原上煖生烟楚宮舞罷飛蝴蝶蜀道愁多叫
杜鵑惟有墻陰青一片間身相對自年七

有懷鄒明府九州溪居

流水橋東楊柳磯今年却憶往還稀草生沙嶼鵝兒
出花落林塘燕子飛石上幽人看奕坐竹邊稚子抱
書歸秋深有意尋招隱定攬池荷學製衣

戲咏爍鵝

金頭紅掌詫鮮嘗鹵腊登盤味更長毛羽已隨春雪
化骨脂猶挾曙烟香松肪冷削金刀潤蘭液寒凝玉
椀光數紙黃庭應不換須臾千斛送璫漿

荅湯子敏惠扇

故人贈我洪都扇正及清明二月餘花底不教供撲
蝶竹間端合伴翻書愁來憶共清尊滿病起驚看白
髮踈塵土眯人難自障此身猶擬托樵漁

三月十五日陪南溪諸公載酒渡溪至山下掃
墳

晴日出烟三丈高踏青相喚過東臯亂紅點地忽飄
雨新綠蒲山如湧濤幾處松間登麥飯何人地下醉
香醪若為招得浮丘伯乘月吹笙戲碧桃

春望

荆楚南生三行雁一
卷之二
十一

江上新晴散錦濤龍門西上石林高青山草樹生鱗
甲白日雲霄見羽毛閉戶著書悲寂_七臨岐驅馬歎
勞_七東遊擬問任公釣一掣何由舉六鰲

漫興

山下碧溪渾欲平溪邊春事捻關情定巢紫燕忽雙
過隔水雛鶯時一鳴凍入秧畦愁近雪光涵風浦愛
新晴南園草綠無人到應是滿林春筍生

春暮

山木深_七叫子規庭花冉_七送遊絲正怜白髮新添
後况是青春欲暮時高閣卷書看燕子小池對酒愛

鵝兒青山自信鄉園好歸計他年尚未遲

春歸

東風吹雨過橫溪兩岸陰_七萬木齊江黑未看王鮪
上山青偏聽子規啼停舟遠客勞相問載酒佳人憶
共携春色又歸愁未醒南園花落草萋_七

春日登樓和溪南韻

碧澗青峰爛不收岩堯百尺見飛樓風騰鶴雀雲間
出日射鯨鰲海上浮石浦草生迷客望龍門花落憶
仙遊知君剩有登臨興日_七題詩倒甕頭

承劉子琚吳孟勤惠書併扇賦此奉答

江浦春歸草色闌故人高誼動雲端兩章明月三秋
迥一扇清風九夏寒黃鳥窺巢烟滿樹白鷗衝棹雨
鳴湍栖賢亭上衣冠盛長憶青峰對酒看

去秋承王希顏自贛歸舟經白沙祠有詩相憶

比會延真約以卜鄰江上茲春尋往聞又復西

上矣賦詩二首奉寄併答往懷

承聞初出贛灘時千里風波有所思卜宅重尋流水
坂艤舟還訪白沙祠鹿門隱去柴車在秦谷歸來木
鏡隨海內故人零落盡白頭相見不勝悲
憶在城西白鶴壇看君醉筆寫琅玕廬山坐對風烟

古贛石愁聞道路難青眼陳蕃邀下榻白頭貢禹咲
彈冠春風門巷空相覓又報書船逆上灘

秋日聞鶯

江頭燕子已先歸猶有黃鸝戀翠微謾喜桂松交戶
牖不愁風露襲衿衣飛潛舊信心情異涼暖偏驚節
序非莫倚如簧泥歌舞空山彈射未全稀

江上風雨驟作

飛鳥冥亡故不喧江濤呼洶歛飛翻浮雲北去萬馬
急落日西沉千樹昏風捲虹光穿亂石山園雨氣暮
荒村野人欲睡還驚起收拾殘書自掩門

承王伯衢剪送芷花賦此奉謝

東庭花發爛葳蕤剪送驚看一兩枝碧色最宜朝露
洗幽香偏惜晚風吹道人辟谷凝冰骨仙子乘雲見
玉肌從此小窓人不到一瓶秋水對題詩

詠敝扇

紙膚剥落骨支離曾見團圓入奉持色暗已添塵慘
淡香銷猶帶酒淋漓雲埋寶鑑光初破霜壓金蕉葉
漸披幸自一枝高節在清風依舊似當時

八月

八月風烟接渺漫千崖景氣入凋殘夕陽欲下蟬聲

急秋水忽生鳧眼寒海內兵戈今日盛天涯道路古
來難祗疑蓬鬢經時短強擬愁腸對酒寬

度溪入梅演山中

梅演山前梅演洲千峰如錦照江流沙汀浙上兼葭
老石壁蕭上藤蔓秋鴻鴈欲隨踈雨至蜩蟬又報夕
陽收關河千里催搖落宋玉愁多愧遠遊

將歸南平發舟喜賦

梅演山前聞鴈來珠湖渡口放船回晚雲出嶺作踈
雨秋水滿江生綠苔故里風烟頻入夢中年世事獨
興哀飄搖莫恋詩千首斷送深憑酒一盃

寄荅劉仲修

君家自昔推名宦，勝槩曾聞重此邦。
列騎旌麾專上郡，啼鶯花竹繞清江。
愁來吊古心情異，亂定還鄉鬢影雙。
聞說城闈渾不到，碧山深鎖白雲窓。

寄杜巡檢

脩竹荒園小，逕通茅堂掛劔。雜懸弓釣魚池上，芙蓉雨繫馬橋西。楊柳風謀弭赤囊，敲朴外詩成綵筆。笑談中知君滿釀梅花酒，歸路能忘一醉同。

見道傍早梅

一樹寒芳照水涯，殘年風雪正交加。
可緣根底先知

暖故遣枝條早放花，折寄未逢南使驛。
繞尋多趣野人家，玉堂消息終調鼎。
暫尔風塵莫嘆嗟。

贈鍾萬

當年花樹照高門，世業猶傳墨榜存。
文物灰飛成異代，風標玉立見諸孫。
芝蘭入室終俱化，桃李逢春故不言。
珍重林栖培健翮，清秋雲漢看飛翻。

題松雪翁書杜少陵城西陂泛舟詩後

城西陂上泛舟時，麗藻猶傳杜老詩。
皓齒青蛾俱寂寞，錦箋香墨故淋漓。
昆明劫火空千變，合浦遺珠自一奇。
珍重綺囊閉光彩，直愁風雨化蛟螭。

送羅楚材赴廣東之辟

辟書幾日到林間行李乘秋上庾關已報炎荒開相
府定未藥物駐仙顏賓厨鹽送銀花白使舶香分錦
鷓班南過羅浮莫留滯滿山松桂待君還

和郭慶守秋日相憶

怜君心性早相如中歲鄉園喜近居養鶴屢分餅棗
栗送猫許護案頭書窪泉雨溢禾苗秀石嶺霜清橘
柚腴幸自徃來便杖屨不煩童稚候輪輿

奉和廖子謙先生江雨舟中酒渴思茶見貽有
作

謝公廟前江水清獨鴈叫群時一鳴雨連遠樹低欲
暗風颺小舟歌復橫長吟子夜勞相憶擬和陽春媿
不成未應苦渴耽著作會見君王詢長卿

送吳明理歸贛州寓舍

江上芙蓉作錦紅飄飄歸棹趁西風亂山正在波濤
外故里猶迷烟霧中四海交遊春夢遠十年流落壯
心雄小樓昨日登臨處尊酒寒花孰與同

寄表兄嚴允升

江上西風吹白蘋天南聞鴈獨傷神愁來望遠悲秋
草老去還鄉憶故人謾想紅顏騎竹馬捻伶華髮戴

烏巾早憑收拾遊山屐歸把濠梁舊釣綸

謝吳明理送籜冠

錦籜裁冠製作工新傳來自贛城中
爛編洒墨留餘暈岌業凌雲見古風
白羽無塵便靜對烏紗如霧愛輕籠
他年六逸堪圖畫竹底琴尊記一翁

送黃伯輝侍親歸豐城

江波飛舞送揚舲夜聽慈烏酒半醒
已報上書辭吏牘即看衣綵拜親庭
雲開忽過靈槎港月出先瞻寶氣亭
青笋白魚催入饌起居長日候清寧

題蔡子敏墨梅

安撫諸孫子獨賢閒將幽思寫梅仙
半生冰雪山林裏十載風塵道路前
東閣題詩雲滿樹高樓吹笛月當天
祗今冷蕊侵華髮圖畫相看一惘然

觸事

眼見林櫻墜赤珠愁隨庭草積
氍毹茶烟出戶自明晦花雨拂簷時
有無把筆祗應酬嘯咏杜門久已厭
奔趨襦裋一點林梢雪悵上幽禽不受呼

題復初師松雲山房

禪房遠在東山下千尺青松一片雲
偃蹇不隨龍起蜚清高還與鶴為群
窓間掛錫尋珠樹石上看經識

卷之七
廿二
貝文中夜雨香清不寐天花如雪落繽紛

寄荅劉子礼

聞君近賦悼亡詩憔悴鶯花四月時
流水只今餘恨意故園何日定歸期
猶傳道路兵戈塞自愛山林歲月遲
憶過王郎尋不見子規啼斷石楠枝

東舍新成偶題

自愛閒居帶小園不堪多難似荒村
年七愁雨理蓬翳日七傷春去草根
秋種漸看雞哺子夏陰猶待竹生孫
依栖倘遂禽魚樂來往毋煩車馬喧

山中有懷左煉師

東風昨夜到岩扉觀物應知靜不違
碧嶂花開山入繡綠池草滿水生衣
卷書石上彈碁坐送酒林間負杖歸
却憶西山紫霞客仙遊何許寄書稀

九月八日述懷

九日登臨拂帽紗十年回首一長嗟
只今城郭多秋草何處池臺有菊花
澤國雨垂龍影斷海天風急鴈行斜
清尊久覆無煩問擬摘茱萸試煮茶

九日和溪道中和尹秉文韻

出山細雨復斜陽道上茱萸也自香
遠客謾嗟同泛梗故人何意共持觴
芙蓉秋水才難並騷裏春雲興

不忘此日林居須種菊為君高咏玉山莊

題劉良山莊

何年結屋並滄江一徑幽通絕瀕龐茭白叢深垂釣
舫冬青葉暗寫書窓隴頭種雨餘三畝灘面分雲自
一石亦欲移家成小隱閉門高枕聽鳴瀧

題和溪釣叟幽居

清秋溪上垂綸去幾日城中賣藥田十載看雲高興
在一時聽雨好懷開水邊薜荔懸青竹庭下芙蓉照
錦苔南望白泉深百疊願從招隱賦歸來

贈別劉如玉

吾宗別有神仙裔風格如君故自佳早歲別多仍遠
道中年亂定更無家山中秀句傳堪誦竹裡齋居靜
不譁好是城西三徑在便應鋤雪種梅花

題一鏡亭

一鏡亭前看綠池纖雲不動晚風遲團光翡翠驚相
避照影芙蓉欲並窺海兔浴毫凝夜白水虫書字散
寒漪安得鑑湖三百里棹船高詠謫仙詩

雨中送蕭种還南溪

江雲洩雨絲相送橋南獨去時歲晏祗傷為別
苦山寒應恨到家遲地毛久報征輸急野哭猶傳戰

伐悲知有茅簷風雪夜若為擁葉共哦詩

賦秋江寄贈友人

東南烟霧海門深
悵望秋江萬里心
鴻鴈欲來天漠漠
魚龍不動晚沉沉
夕陽紅亂荷花浦
暮雨青懸楓樹林
白石綠莎沙路遠
扣舷何許一相尋

江上見早梅

歲暮雲山意共悲
曉寒霜樹日初移
遙怜江上蕭條客
獨對春前爛熳枝
雅韻可堪愁未醒
幽香故與靜相宜
若為折寄腸空斷
白雪黃雲渺去期

伯衢侍親自金陵歸以所賦還鄉樂見示喜賦

奉答

千里從親跋跡勞
淮雲江雨暗征袍
重湖浪息蛟龍怒
故里春迎烏雀號
澤國月光浮越練
寒城雪色瑩吳刀
愁來細詠還鄉樂
肯向明時嘆不遭

雪

流江七頭三日陰
夜半風高愁雪侵
鳥去沙汀空白水
鶴盤江樹失青岑
村原烟火千家靜
江海旌旂萬舫深
政自欲歸春又近
梅花歷亂不堪尋

晴

已過大寒七氣饒
却望遠天七色驕
日華乍從雲際

出雪片復向風中飄青
可愛盧橘葉短
只怜楊柳條迎春好在珠林下看山直度白家橋

